

Téerëe débpi bíní Peer ra Kúnsëe

Yee daa unna débpi bíní Peer ra. Di bíní wë kerceenni dékú ginni iippi non Aasi. Kerceenna bíní rí yee ra húmú moklu moklo di yee gémú wë Yéesú-Kiristaa Yíkëe në rë (3.14-17). Peer bíní wë unni yee woni wa bití wa ham ngémë híin, wa múñ coono fa daß wa ra, nda wa bok ndamee ke dí fi Yéesú na ac fayú ra (5.10). Di wonte wa dee wafti man pesi wa bee henluy wa bëewí nënih bëewí Koope leegi, wa nonute heeda tansu ra (2.9-10 ; 4.2-3).

Di wonte wa :

- yii lenke mújë waayid yen Koope ra (1.8-12),
- yii lenke pesad kerceen filib bëewë nënih bëewí Koope ra (2.11-17),
- yii lenke coono fa ñee Kiristaa ra (2.21-25),
- yii lenke di wafti pesuun yaal a belebi (3.1-7),
- yii lenke ñaŋi Kiristaa kúl kë (3.18-22),
- yii lenke lof pesad (4.1-6),
- a yii lenke di wafti pesaa ow a moroomi (4.7-11).

Bëyi fi ñaŋi téerii bee bëeb ay ot bití balaa tígë teem ngém ow ra olu, bëe' ay ñee misik. Di ñee misik dí ham híin níi lúsëenë rëe nék, dí ii rii réecciyëh.

Wodoha

¹ Koy-yaayyi yeh, ñon fi bëewë Koope tanis wa ra, ñon fi doha-ndéemmë tasaaru ginna na

wonuu Ponto, Galasi, Kapados, Aasi a Bítíní rë, so' mi Peer apootari Yéésú-Kiristaa, daa mi na wodoh ron.

² Koo Boffa daa tanis don ti di húmú maaña' ri ri faha' nen. Ruuhi tahte don henute bëewí, nda don ñee yee won Yéésú-Kiristaa ra ndín, ñif mi bukut don.

Koope hëpë rën mal, on don jaamma !

Mújë waayid yen Koope ra

³ Yen sím Koope, dī fi boffi Yéésú-Kiristaa Yíkíi yen ! Di naa'i keeñi, dī onte yen pes has bee këllë' rí Yéésú búudé rë. Daaha, yen lahute yaakaari mínéh dúm,

⁴ yen na sehaaluu iña yefid Koope bëewí rë. Daa wa iña mínéh yah ra, yee na sisíbéeh rë, yee hena' has faraah ra. Koope yefidte ron wa ín sun.

⁵ Di ñeya' gémë gémú ron ra, dī na níid don a doolii nda don múc, te yii baa ay yúhúu yiin nay dúmé pesa ra.

⁶ Iña yefid don Yíkëe yaa ra daa tah keeññon sos. Tígë homuu don bee ra kep, wuti coono fi mín dīi man béeb tah don ñee mok yutuud daa sah, keeññon sos.

⁷ Úrís sah na yah, ndaa balaa ow yúh biti dī kah-kah, dī ay ñee kii. Ti daaha nen, ngémën luka' ri úrís lah solo níi, balaa ow yúh biti dī kah-kah, don ay ñee misik. Hen daa raa, yiin nay nimile Yéésú-Kiristaa ra, don ay yeeliyoh kañ, ndam a béyid.

⁸ Don fahuute ri te don oluy ri, don gémúté dīi na te don oluy ri doom. Yii baa daa tah don lah sosi keeñi gaani ow yéeh daa teem,

⁹ ndah đon homute liili yee na saamu đon ngémën dē : daa ri mújí rën.

¹⁰ Merees, yonente ya húmú saamute yúhí yii lenke mújí baa ní saam, te wa húmú léhínuté bēewē mala nay ron one Koope ra.

¹¹ Ruuhi Kiristaa húmú waa na, teeŕpe wa biti đí fi Kiristaa ay ñee coono, te ri lah ndam filoon fi baaha. Yii baa daa tah wa fi yonente ya saam ní saam yúhí wahtaa a dēe nay lahee iñyaa ra.

¹² Koope teeŕpe yonente ya biti iña na wonu wa ra húmú yullay wa fi yaaha na, wa yulid đon na. Waariyoh yi Uni Neba komute ron wonni yaa leegi, te wa wonuu ri doolii Ruuh-Peseñ fa kola' sun-Koo ra. Malaaka ya sah fahuute yúhí wē ní faha'.

Koope dēekē' lan

¹³ Don lahute mali na seh ron sun-Koo yiin nay nimile Yéesú-Kiristaa raa kay, kon kēlí affon đon yeel, đon tík yaakaaron bēeb nē.

¹⁴ Ñéyí yee naha' Koope ra, ti di na ñeya' koy yee nah ri boffi ra, đon yeris iña húmú neŕa' ron merees na húmú yíih rën rē.

¹⁵ Yii pañ đon bēeb lah lēdí nē ti di lada' Koope fa dēek đēn dē nen,

¹⁶ ndah Koope won filiŕ Téerēe tih : « *Héní bēewí ladute, ndah so' mi lante.* »[☆]

¹⁷ Bee đon homute đañ đá, đon hom wonuu Koope Baap te daa ri na aattiya' ow fi ow bēeb di iña pañ đí ra, te ri na lúukíréeh ow. Kon yee talluu ron pesa feey fa đon haneel na bee ra, pesadon teeŕaa neeha neehu ron ri ra.

[☆] **1:16 1.16** Saame Tali Léwí 19.2

18 Don yúhruté affon dee tosa' ri ron pesada lahay njiriñ koruu ron caacson da maan ? Di tosaay ron a yii ay yahe yaho ti tiij hélíis mbée úrís nen.

19 Ēe-ēe' ! Don sēmlúu a ñif mi cēllúuy a dara, ñif mi Kiristaa fa lahay dara yii wonun sun fi ti har fi lahay síkkē nen ra.

20 Koope daa tanis ri, tíkké rí yii baaha balaa ri sak ēldúnē, te ri cépídté rí feey fa nda bēewē yúh rí jamanu ya mǐllē' yee ra, ndah don.

21 Don ñee'uu díi na don gémúté Koope fa kélídf dí búudé, onte ri ndam ra. Ngémèn a yaakaaron, don tíkúu wē Koope na daaha.

22 Don bukutuute ndah don ñéerúuté a kaaf ka. Yii baa daa tah don faha' koy-yaayyon filib ngémē faha' kah-kah. Kon, fēhētíi hanndal kon níi fahanta' di keeññon béeβ.

23 Yúhí bití unni Koope tahte don límēetúté. Ow neh daa límēet dēn, ndah ow man tal gañcahi ay húlé húlē nen. Unni Koope nék, man tal gañcahi ii húl nen. Di ee pes da te ay home na faraah.

24 Ndah bíníyúté Téerēe bitih :

« *Ow béeβ man gaawa nen,
ndami man capussi gaaw fa meeyya nen :
gaawa súde' súde,
capus yooka' yookoo.*

25 *Unni Yíkēe nék ay home na faraah.* »☆

Te unni yaa daa Uni Neba húmú waariyu ron ra.

☆ 1:25 1.25 Saame Isayii 40.6-8

2

¹ Hém unni Koope tahte don límëetúté rëe kay, kon yii hente bos béeb hégii rí, don hegoh fel, paŋ yii bokaay a yee na wonu ron ra, iñaan a won yin bos sun ow.

² Di na sesa' baaker babi miis mi yaafi daa kah-kah fa ra, sésii síkírëhí unni Koope daaha, ndah daa wa kah-kah fa. Don pesa' na raa, don ay ood te don ay múc.

³ Nagajek, bíníyúté Téerëe bitih : « *Don d'íkísúuté Yíkëe, don olute dee neba' ri ra !* »✧
Don pesuu yii baa neh a ?

Tígë yípëh faam fa ra a faam fa

⁴ Èyí Yéésú-Yíkëe në, dī fa daa la'a na pes habuu bëewë biti lahay njiriñ, ndaa daa ri bee Koope tanis dī otte biti dī la'i lahte njiriñ ra.

⁵ Don fi yaa bal nëní tabahi faam fa nay déké Ruuh-Pesen ra ti la' yi na pesu nen. Hen daa raa, don ay hen goomali seeyoh yi jébélú Koope, don yed dī sarahi neba'te ri di nay ron rii nahee Ruuha, yi ay ñee'ee Yéésú-Kiristaa na.

⁶ Ndah bíníyúté Téerëe bitih :

« *Èlsí !
Mee yíp la' Siyon ra,
la'i nay habe faam fa,
la'i daa mi tanis dī,
la'i lahte njiriñ,
bëyí fī gém dūi na,
fī mëssi sopoh.* »✧

⁷ Kon don fa gémú rë, béyí affon sun, ndaa yaha bëewë gémúy rë rëe, bíníyúté bitih :

« *La'a habuu tabahoh ya biti lahay njiriñ ra, daa millë' ham lasa.* »✧

⁸ Lahte tígí bíníyúté biti bal :

« *Di la'i na kabina', la'i gaani na kéendë'.* »✧

Don ot bëewí yaa kabinoh, biti wa kaa'uute ñeyi unni Koope, te nagajek, Koope daa faha' ri daaha waa na.

⁹ Ndaa don, don daa heeda tansu ra, seeyoh yi Buura, heeda jébélú Koope ra, bëewí Koope. Di tanis don nda don mín waare iñi éemílë' yë pañ dī ra, dī fa dëek dën, dúhídté rën ñúusë kúdté rën niññee ke ri hen saw ra.

¹⁰ Don húmú bëewí neh merees, ndaa woteh don bëewí ; naa'i keeñ Koope don húmú békíh në, ndaa dī tahidte ron dī leegi.

Pesad kerceen filib bëewë nēñih bëewí Koope ra

¹¹ Don fa faha' mi níi faha' ra, don fa nēñih bëy èldúnë fi bee don haneel kut waa na ra, mi ñañ don biti don moytoh faha'i pesi-neba na yuloh yahi nuffon ti mbërí na faha' kéendí moroomi nen ra.

¹² Lah pési wun leelii bëewë nēñih bëewí Koope ra ; don hena' ri daaha raa wuti wa tík don yin bos, won biti don i pagoh bos raa sah, wa ay ot biti don pagu yin wun, wa kañ Koope yiin nay ri waa feñiyee ra.

¹³ Af Yíkëe taha don on kélfë yë cér : maanam buur fa daa ílíf bëy gina béeb rë,

¹⁴ a gëernëerrë buur wol wa daani pagoh yi bossa a bëyí fí pañ yin wun wa gérém rí rë.

15 Nagajek, Koope faha' biti don pagun yin wun don téy búkkí bëewë yíh yin ra, yee na wëníh wonad ow ra.

16 Koope onte ron don lahuute affon. Kon lah pésií pesi bëyí daa laha' afi. Di filib baaha béeb nék, baa banay tah don dap bos don na. Don súrgë Koope na, kon lah pésií daaha.

17 Lah ëní bëewë béeb cér, don faha' koy-yaayyon filib ngémë, don neeh Koope, don on buuri gina cér.

Coono fa ñee Kiristaa ra

18 Don fi súrgë yë, lah ñeyí woni bëewë në légyíruu ron ra, don on wa cér. Wa wun keeñ te wa baah, wa sohoor béeb, lah ëní wë cér.

19 Ndée nagajek, don múñ súfúñ fí waray don koon ndah Koope raa, baa yin wun.

20 Don tooñ nii don labaa don múñ dí rëe nék, don sehu laasi bih na ? Ndaa hena biti don pagun yin wun don labaa don múñ dí rëe, baa yii wunte íllí Koope.

21 Koope dëekë' dën baaha, ndah Kiristaa ñeete coono af don, nda don yíid yee pañ ri baa ra, don ñee kotti.

22 Di mësëy bakaad, fel mësëy dúh búgë.✱

23 Soluu ri bín fë rë, dī yíllëey ; mokluu ri ra, dī gapaay yíllëh. Di yerisse béeb ya' Koope fa aattiya'i júbpé rë.

24 Homa' ri sun fi kurwaha* ra, dī a faanañ fi séfëhté bakaad dī yen, nda yen bisè' a bakaad

✱ 2:22 2.22 Saame Isayii 53.9 * 2:24 2.24 *kurwah* :Di gerek, biníyú deh : *kilik*. Téerëe won tih : bëyí fí yéñké biti na hawu ri húl rë keru sun kilik, bëyí baa alkohte. Saame Nérsí Kootaa 21.22-23.

yen pes pesi júbpe. Gaañ-gaañni Kiristaa daa pay yen.

²⁵ Don húmú madu harri múuyú múuyë nen, ndaa don nimilirute níiréhée ké ron na tooppi-toh ron ra.

3

Di wadti pesuun beleb a yaali

¹ Don fi belebba bal, ëní yaallon cér ! Hen daa wa ot don pagee ri daaha raa, wuti deef wa gémúy unni Koope merees raa, yii baa ay tah wa ay gém te don ii waa won dara :

² wa ot tílédën lan a dee koruu ron ní koroh raa rek, wocce !

³ Ngënë mēkí wunaaloh don múukée garan, don poken takkaayyi úrissën, don bekee búubbí píisē kofeelte.

⁴ Wunon kay homa filiḅ keeññon, don teey don sos. Wuni baa homa' na faraah. Baa daa yee lah solo illí Koope ra.

⁵ Belebba húmú gémú filoon tíkuté yaakaari wa ya' Koope ra, húmú teebuu wuni wa daaha. Wa húmú onute yaalli wa cér,

⁶ ti di húmú ona' Saara Abraham cér, na dëekë' rí nijaay ra nen. Don ay hen koyyi Saara biti don page yin wun te don néehíh nē dara.

⁷ Don fi yaalla nék, lah kúrí belebbon don homa' wun, don yúh biti doni wa maduy. Ëní wē cér, ndah pesa na dúméh nay ron one Koope ra, wadte wa bal. Hénii rí daaha nda Koope banti kaa' danñon.

Ow nebpi paga wun

⁸ Kon sēyí nuf yínē, don bok keeñ ; fēhēntíi filiḅ fon ti i koy-yaay nen don naa'anta' keeñ, don cépíd affon fii moroommon.

⁹ Bēyí paṅ don yin bos mbée sol ron, ngēnē yíllíi. Don kay, lah dēgírí rí bití Koope barkel ri, ndah Koope dēekē' rēn baaha. Hen daa raa, Koope barkel ron.

¹⁰ Ndée bíníyúté Téerēe bitih :

« *Bēyí fí faha' lah keeñi sosse,
lah jaamma pesi,
wadtee moytoḅ won bos,
fel banti d'úh búgē.*

¹¹ *Bēyí baa wadtee hegoḅ bos.*

*Di wadti paga yin wun,
wadti dékēe saam jaamma.*

¹² *Íllí Yíkēe yípēh sun fí bēewē júbú rē,
dī kúníssé nufi na síkírēh danḅi wa ;
Yíkēe bota' bēewē na pagu bos da botoo. »**

¹³ Daa nay ron page yin bos bití don saamuun paṅ wun kep ?

¹⁴ Wuti don ñee mok koon ndah bití don pagu yii júbpé rēe sah, don ay lah sos-keeñ. Ngēnē néehí bēewí kayya, ngēnē sídíi yin.

¹⁵ Don kay, békí affon bití kep Kiristaa daa Yíkēen. Cēgúí faraah don mín lof bēyí meel don yee tah don tík yaakaaron Yíkēe nē rē.

¹⁶ Don yahti rii lof raa nék, lah pēgúí rí a teey, don on dī cér. Lah sēyí nufi lante, nda bēewē na yahu tii yon af pesadi wunon Kiristaa na ra sopoh wonni wa.

* **3:12 3.12** Saame Kañaa ya 34.13-17

¹⁷ Ow mokluun paŋ yin wun, te deefa Koope fahaa ri daaha raa, daa gén biti dī mokluun paŋ yin bos.

Baŋi Kiristaa kúl kē

¹⁸ Dī fi Kiristaa, af bakaaddi yen tahte dī ñeete mok, te mogi baa ri moka' waal yínē, teempe waali yíní baaha faw ; dī fa júb dē tahte húl ndah yen fa júbúy rē nda ri kúf yen Koope na. Faana daa hawu húl, ndaa Ruuh-Peseŋ kélídté rí, dī na pes.

¹⁹ Doolii Ruuhi baa nék daa tah dī pay waare coonaa ya hómú kasu ra.

²⁰ Daa wa bëewë hómú ñéerúuy a Koope jamanaa na hómú yugusa' Nowe gaala ra, te deef dī fi Koope múñélté wë, na seh. Bëewë hómú múcú mulii mbënë më rē hómú caakuy, wa hómú ow peeye daa haalu gaala.

²¹ Baa daa maanam bëtsée ké yen woteh ; mulii bëtsí baa wonay biti hosse sísífb fë faanni yen dé', iti fi bëtsë daa ri biti yen pokoh Koope na a nufi lante*. Bëtsë múcël yen múcëlë ndah kolohi Yéésú-Kiristaa búudé,

²² dī fa saañ sun-Koo tookke hëbís Koope, hompe ya'i ñamaa fi ra. Malaaka ya, mbínéeffí lahu un a yii lahte doole sun béëb onute ri cér.

4

Lof pesad

* **3:21 3:21** *iti fi bëtsë daa ri biti yen pokoh Koope na a nufi lante* :Lahte bëewí habuu ri deŋ : *iti fi bëtsí baa daa ri biti yen daŋ Koope dī on yen nufi lante.*

¹ Koy-yaayyi yeh, hém faan Kiristaa daa ñee coono raa, tëhí ñee coono ti Kiristaa nen ; ndah bëyí faana híssí ñee coono, woca'te a bakaad.

² Kon tígë homuu ñon bee ra kep, yee talluu ron peson da wađti hena yee faha' Koope ra ndaa fah pes-neb neh.

³ Pesee ke ron filoon bééβ, na húmú dékúu ñon paŋ yii neba' bëewë nënín bëewí Koope ra doyte ñon na leegi : ñon húmú pesuu pagad bos a fah pes-neb, mani, mbumbaay níi ñon dúméluté mbumbaay. Don na yúulúu ala bal, pagadi sèpírë'í bah.

⁴ Woteh fee Koo bee nék, bëewë nënín bëewí Koope ra éemuté di yee wocuu ron a wa di pesadi bos misigi baa ra, wa na solu ron.

⁵ Ndaa wani Koope fa caŋ aattiya'i bëewë na pesu a yee húlú rë ay naa teeya'.

⁶ Yii baa daa tah Uni Neba waariyu sah bëewë húlú rë. Wa aattiyuu iña pagu wa bee na húmú pesuu wa feey ra naam ti bëewë bééβ nen, ndaa af Ruuha tahte wa pesuu ti di na pesa' Koope nen.

Di wađti pesaa ow a moroomi

⁷ Eldúnë d'umpé níi wocce. Kon téeyí ñon yeel, nda ñon mín ñaŋ Koope.

⁸ Yee lukki lah solo ra bééβ nék, daa ri biti ñon fahanta' hanndal kon di keeññon, ndah faha' ow daa na múur bakaad caak.

⁹ Kúnsírentíi íllí faammon, banti ñéerë' a capitoh. ¹⁰ Ow fi ow ñon na bééβ, habraa moroomi di yee on ñon Koope ra. Hen ñaaha raa, ñeef iñi bokuuy ya on ñon Koope ra bééβ, ñon kúrúte wë kúrí wunte.

11 Bëyí fí yúhté bití ay wone wono, beka woni baa waarii unni Koope ; bëyí ay habree ow, pagaa ri a mín-mínë déñéén dí Koope ra. Hen d̄aaha raa, bëewë ñeya' Yéesú-Kiristaa na kañ Koope di iña bééβ, d̄i fa laha' ndam a doole dee níi kiri fi kiri ra ! Démíin !

Ow nebpi ñeya coono fi Kiristaa

12 Don fa faha' mi níi faha' ra, coono fi misiga homuu ron ra banay tah affon kúnèh níi don won bití yíi baa waray don kat.

13 Keeññon kay wad̄ti sosa soso bití don bok a Kiristaa coono. Hen d̄aa raa, yíin nay rii teebe bëewë bééβ ndami ra, keeññon sos níi sos.

14 Af Kiristaa tah don solu raa, don lahute sos-keeñ ndah Ruuhi Koope, d̄i fi Ruuha lah ndam ra ee don na.

15 Coono fon banay ñeya' bití don hawun ow húl, mbée bití don lohun loho, don pagun yin bos, mbée don haalun yíi waal fon ínìh nè.

16 Ndaa hena henu ron kerceen ra daa taha don hom coono raa, ngènè sèpíi nè ; don warun naa kañ Koope kaño di yee nonuu ron Kiristaa na ra.

17 Wahtaa nay dale aattiya'a ra lahte, te ay débúu yen fi bëy Faam Koope na. Daluun yen na raa nék, lah bëewë yéjké bití gé múy Uni Nebi Koope raa, ay made d̄íh waa na ?

18 Ndah bíníyúté Téerée bitih :

« *Hém mújí bëe' júβ d̄ë
daa misik raa,
lah bakaaroha na,
d̄i fa kaañ Koope ra raa,*

ay made d'ih ? »✧

¹⁹ Kon, bëewë Koope daa faha' biti wa ñee coono ra, pagun wun rek saye, wa t'ik pesi wa ya' Koope fa daa sak wa ra, d'i fa yii won d'i bëeb d'i paŋ ri ra.

5

Nj'ittí jaŋaa

¹ Bëewë homu fliib fon te wa i nj'it jaŋi ra, so' mi won don na, so' fa nj'it jaŋi ti don nen ra. So' mi t'ikké illí sè' coono fi Kiristaa ngëey te may non ndamee ke ri nay tebbuu ra. So' mi won don tee :

² t'ëppitíi yuba d'ëjéen d'ën Koope ra. Yéelí nē, don ban d'ii paga' biti don túuyú rí túuyë, pégí rí don núhë' rí keeññon, dee faha' ri Koope ra. Ngënë pégí rí biti don ay naa saame alal, pégí rí a sawoor.

³ Ngënë mèklí bëewë d'ëjéenu don da. Don kay, wa wadti y'irun don na !

⁴ Hen daa raa, yiin nay nimile kélfii níirëh yë rë, don beku baane-ndam, bi ay hene has faraa.

Ow nebpi cépirë afi cépirë, ham ngémë

⁵ Don fi tunka nék, lah ëní bëewë bahayu ron ra cér. Don bëeb nék, cépirí affon hanndal kon, ndah biníyuté Téerëe bitih : « *Koope ñéerëey a bëewë na gaan-gaanluu ra, d'i ona' bëewë cépirú affi wa ra mal.* »✧

⁶ Kon, cépirí affon fii Koope fi Sërndëjë, nda wahtaa lah raa, d'i béyid don.

✧ 4:18 4.18 Saame Léeh yë 11.31 ✧ 5:5 5.5 Saame Léeh yë 3.34

⁷ Héli iña na sídúu ñon ña béeb ya'i, daa ri na tooppitoh ñon.

⁸ Téeyí ñon yeel ! Seytaane, kaa'ohon ee yídēelēh rē, man gaynde fi na híigēh, na boorsoh bëyí ñama ri nen.

⁹ Hëbí ngémē híin ñon haa' a ñi fi Seytaane, ñon yúh bití koy-yaayyon filíβ ngémē homu feey fa ra béeb ñeyuu coono ñaaha.

¹⁰ Don lísíu hom coono kaah, ndaa Koope fa na ona' béeb rē dēekkē ñon ñon haal ndamee ke ri na dúmēh rē, af bití ñon nonu Yéesú-Kiristaa na. Tasse yutuud' ñi ay ron baatti yugus, habra' ron, on ñon doole, tík ñon ñon caga' a kotti híinté.

¹¹ Koope laha doole dee níi kiri fi kirih ! Démíin !

Takoha

¹² Silaas* fa haba' mi koy-yaafi pokohte Kiristaa na ra daa habra' so' bíníi ñon koy unni yeh. Bedda'i ron a woni ron bití mali Koope kaah te ñon ham na híin, daa tah mi bíní ron unni yeh.

¹³ Bëy Babilonna† dee nonu jañaa ra, yee Koope tanis wa ti di tansa' ri ron nen ra, a Marka fa haba' mi koy kah-kah soo na ra na woduu ron.

¹⁴ Wëdëntíi hanndal kon níi wodanta'‡.

Koope ona ron fa nonu Kiristaa na ra béeb jaamma !

* **5:12 5.12** *Silaas* :Di gerek bíníyú ñeh : *Silwee*. Daa ri tii yíníi Silaas. † **5:13 5.13** *Babilon* :Rom daa na léehúu ñah. ‡ **5:14 5.14** Di ñaahi bëewí yaaha, wa yahti wodoh bëewē mboko yi wa mbée bëewē meeru wa raa, wa fëenúu wē fëenēe.

Séréel Ndút: Unni Koope

Ndut: Séréel Ndút: Unni Koope (New Testament+)

copyright © 2020 Wycliffe Bible Translators, Inc.

Language: (Ndut)

Contributor: Wycliffe Bible Translators, Inc.

All rights reserved.

2020-11-20

PDF generated using Haiola and XeLaTeX on 28 Dec 2024 from source files dated 29 Jan 2022

a3a1238b-9393-5875-a4c5-1d3f38537bfe